

# Willem Vermandere, De Wind

&#039;k Ben toch zo kontent als &#039;t waait  
&#039;k zie zo geiren het golvende koren  
en de jagende wolken in de lucht  
aan de wind h &#039;k mijn ziele verloren  
hoort de wind, ie schuifelt aan &#039;t raam  
ie speelt hobo langs kamers en gangen  
ie murmureert de godgansen dag  
mysterieuze oeroude gezangen

Ik kom van verre van ver over zee  
&#039;k ben geboren boven de wijde oceaan  
uit zon en mane uit sneeuw en ijs  
ik ben kind van de woeste orkanen  
maar ik scheire zo geiren over &#039;t land  
van de bergen duik ik zot naar beneden  
en toch jeunik mij nog &#039;t meest van al  
bie de mensen in dorpen en steden

In vroeger tijd maald&#039; ik het graan  
&#039;k ben zoveel van mijn wieken verloren  
zoveel zeilen op stroom en rivier  
&#039;k scheidde ooit nog &#039;t kaf van &#039;t koren  
&#039;k jaag de giftige wolken nu weg  
en moeders was waai ik droog  
en de draak aan een koord in de lucht  
&#039;k blaas de meisjesrokken omhoge

&#039;k Blaas de boze geesten uit uw hoofd  
&#039;k beuk de deur van uw zorgen wijdopen  
en nu raas ik van land tot land  
om de grenzen en de muren te slopen  
&#039;k ben toch zo kontent als &#039;t waait  
&#039;k zie zo geiren het golvende koren  
aan de jagende wolken in de lucht  
aan de wind h&#039;k mijn ziele verloren